

‘প্রি-কে ফর অল’ অভিভাবকদের কাছে অঙ্গীকার

আপনার সন্তান ও পরিবারের একটি ফ্রি, পূর্ণদিবস, উচ্চমানসম্পন্ন প্রি-কে কর্মসূচির সুযোগ থাকাটা আপনাদের প্রাপ্য।

‘প্রি-কে ফর অল’ (সবার জন্য প্রিকে) কর্মসূচিগুলো আপনাদের ছেলেমেয়েদের শিক্ষায় সাহায্য করার জন্য আপনাদের **অংশীদার** হতে প্রতিশ্রুতিবদ্ধ।

প্রতিটি প্রি-কে কর্মসূচি কঠোর গুণগত মান ও এনওয়াইসি ডিপার্টমেন্ট অভ এডুকেশনের নীতি মেনে চলতে হয়।

আপনার পরিবারকে প্রি-কে ফর অল কর্মসূচিতে যে সহায়তা দেবে বলে প্রত্যাশা করতে পারেন...

আপনার সন্তানের জন্য ফ্রি, পূর্ণদিবস, উচ্চ মানসম্পন্ন প্রি-কে ক্লাসের সুযোগ

আপনি যদি নিউ ইয়র্ক সিটির বাসিন্দা হন, এবং আপনার সন্তানের জন্য ২০১১ সালে হয়, তাহলে সে একটি প্রি-কে ফর অল কর্মসূচির যোগ্য।

আপনার সন্তান দৈনিক ৬ ঘন্টা ২০ মিনিটের (অথবা সাপ্তাহিক ভিত্তিতে অনুরূপ) পূর্ণদিবস ফ্রি শিক্ষানির্দেশনার সুযোগ পাবে।

আপনার পরিবারকে প্রি-রেজিস্টার (অগ্রীম তালিকাভুক্তি) করার জন্য কোন অর্থ দিতে হবে না।

পরিষেবা প্রদানকারীর অন্য কোন কর্মসূচিতে আপনার পরিবারকে অংশগ্রহণ করতে বাধ্য করা যাবে না।
উদাহরণস্বরূপ, কোন বর্ধিত সময়ের বা ছুটি-পরবর্তী পরিষেবা কর্মসূচিতে আপনার অন্তর্ভুক্তি বাধ্যতামূলক হতে পারবে না।

প্রি-কে ক্লাসের যোগ্যতা নিরূপনে আপনার সন্তানের বেড়ে উঠার ধাপগুলো (নির্দিষ্ট বয়সের ছেলেমেয়েরা সাধারণত যে আচরণ বা সক্ষমতা প্রদর্শন করে) অর্জনের পথে কতোটুকু অগ্রহর হয়েছে, তা ব্যবহার করা হয়নি। *উদাহরণস্বরূপ, আপনার সন্তান এখনও স্বাধীনভাবে বাথরুম ব্যবহার করতে পারে না বলে কোন কর্মসূচি তার অন্তর্ভুক্তিকে প্রত্যাখ্যান করতে পারবে না।*

একটি সুবক্ষিত ও আদর্শ শিক্ষণ পরিবেশের নিশ্চয়তা

আপনার সন্তানের প্রি-কে কর্মসূচি একটি নিরাপদ ও পরিচ্ছন্ন ভবনে অবস্থিত হবে।

আপনার সন্তানকে যথাবিহিত সার্বক্ষণিক তত্ত্বাবধান করবেন বাধ্যতামূলক নিরাপত্তা ও ডাক্তারি পরীক্ষায় উত্তীর্ণ কর্মচারীগণ।

আপনার সন্তানকে পুষ্টিকর খাবার ও স্ন্যাক্স দেওয়া হবে।

আপনার সন্তান যাতে প্রি-কে ফর অল-এ অংশগ্রহণে সক্ষম হয়, সেজন্য প্রয়োজনীয় স্বাস্থ্য বা বিশেষ সুবিধার ব্যবস্থা রয়েছে।

¹ কর্মসূচিগুলোকে অবশ্যই বাস্তব বা অনুমিত জাতি, বর্ণ, বয়স, বিশ্বাস, জাতীয়তা, জাতীগত উৎস, বিদেশীত্ব, নাগরিকত্বের অবস্থান, প্রতিবন্ধিত্ব, যৌন পছন্দ, লিঙ্গ (পুরুষ/নারী) বা ওজনের ভিত্তিতে বিচার না করে সবাইকে সমান শিক্ষার সুযোগ প্রদান করতে হবে। এনওয়াইসি আরলি এডুকেশন সেন্টারের (এনওয়াইসিইইসি) কিছু প্রি-কে ফর অল কর্মসূচি হেড স্টার্ট বা এনওয়াইসি অ্যাডমিনিস্ট্রেশন ফর চিলড্রেন্স সার্ভিসেস-এর মাধ্যমে অর্থায়ন লাভ করে থাকে। এসব কর্মসূচিতে কিছু কিছু আর্থিক ও অন্যান্য শর্ত রয়েছে, সন্তানদের সেগুলোতে তালিকাভুক্ত করতে পরিবারসমূহকে অবশ্যই শর্তগুলো মেনে চলতে হবে। এধরনের কর্মসূচিগুলোকে ২০১৫ প্রি-কিন্ডারগার্টেন ডিরেক্টরিতে শ্রেণিভুক্ত করা হয়েছে।

সন্তানের বেড়ে উঠায় সহায়তার জন্য একটি শিক্ষণ পরিবেশ তৈরি করা

আপনার সন্তান 'নিউ ইয়র্ক স্টেট প্রি-কিন্ডারগার্টেন ফাউন্ডেশন ফর দি কমন কোর স্ট্যান্ডার্ড' প্রদত্ত রূপরেখা অনুযায়ী মৌলিক জ্ঞান ও দক্ষতার ভিত্তি তৈরির প্রতি অভিনিবিষ্ট পূর্ণ-দিবস শিক্ষানির্দেশনা লাভ করবে।

এসব মানগুলোর মধ্যে আছে অগ্রগতির পাঁচটি গুরুত্বপূর্ণ ক্ষেত্র: শিক্ষণ প্রক্রিয়া, শারীরিক এবং স্বাস্থ্যগত, সামাজিক ও মানসিক অগ্রগতি, যোগাযোগ ও ভাষাগত দক্ষতা, এবং বিশ্ব সম্পর্কে ধারণা।

আপনার সন্তানের শিক্ষক ও কর্মসূচির প্রশাসকগণ তাদের নিজ নিজ পদ অনুযায়ী যোগ্যতাসম্পন্ন হবেন।

আপনার সন্তানের শিক্ষক ও সহকারীগণ তাকে শিখতে এবং নতুন কোন বস্তু, কর্মকাণ্ড পরখ করে দেখতে, নতুন সহপাঠীদেরকে জানতে, কর্মসূচির সাথে খাপ খাওয়াতে, সমস্যা সমাধান করতে, এবং সারা দিনব্যাপী নতুন নতুন শব্দ শিখতে সাহায্য-সহায়তা ও উৎসাহ জোগাবেন।

আপনার সন্তান বৃহৎ গ্রুপ, ক্ষুদ্র গ্রুপ এবং স্বাধীন ক্লাসরুমের অভিজ্ঞতা লাভ করার এবং সুবিস্তৃত শিক্ষা উপকরণ ব্যবহার করে শারীরিক কর্মকাণ্ডে নিয়োজিত হওয়ার সুযোগ পাবে।

অভিভাবকদের অংশীদারত্বের প্রতি আমাদের দৃষ্টিভঙ্গী

প্রতিটি শিক্ষার্থীর ন্যূনতম সম্ভাবনা সবচেয়ে ভালোভাবে বাস্তবায়িত হতে পারে পরিবার ও শিক্ষণ-কম্যুনিটির মধ্যে প্রো-অ্যাকটিভ অংশীদারত্ব গড়ে তোলার মাধ্যমে।²

এই অংশীদারত্বকে সংগঠিত করতে প্রি-কে ফর অল যা করবে...

একটি উষ্ণ ও আন্তরিক পরিবেশ প্রদান করবে যা আপনার পারিবারিক ভাষা ও সংস্কৃতির প্রদী সন্মান প্রদর্শন করে।

আপনার সন্তানের প্রি-কে ক্লাসে ভর্তি হওয়া এবং পরবর্তী গ্রেডে উন্নীত হওয়ার সময় আপনার সাথে পরিকল্পনা করে।

আপনার সন্তানের শিক্ষণ ও কর্মসূচির নীতি ও কর্মকাণ্ড সম্পর্কে গুরুত্বপূর্ণ তথ্য জানানোর জন্য নিয়মিত আপনার সাথে যোগাযোগ করে।

আপনার সন্তানের শিক্ষণ অভিজ্ঞতা সম্পর্কে সিদ্ধান্ত গ্রহণে আপনাকে অংশীদার করে।

আপনার সন্তানের শিক্ষণকে ক্লাসরুমের বাইরে বিস্তৃত করার জন্য কর্মকাণ্ড ও সুযোগসুবিধার ব্যবস্থা করে।

অভিভাবকদেরকে উৎসাহিত করা হয়...

আপনার সন্তান নিয়মিত প্রি-কে ক্লাসে যাচ্ছে কি-না, তা নিশ্চিত করতে এবং সন্তান কখন অনুপস্থিত থাকবে, তা জানিয়ে দিতে।

একজন প্রাপ্তবয়স্ক ব্যক্তিকে দিয়ে সন্তানকে প্রতিদিন আনা-নেওয়ার ব্যবস্থাসহ গুরুত্বপূর্ণ দায়িত্বগুলো পালন করতে, এবং আপনার সন্তানের কর্মসূচির স্থির করা নিরাপত্তাবিধি মেনে চলতে।

তালিকাভুক্তির জন্য প্রয়োজনীয় কাগজপত্র ও তথ্য দিয়ে, যা শিক্ষক ও কর্মসূচির প্রশাসকদেরকে আপনার সন্তান সম্পর্কে জানতে সহায়তা করবে।

²Weiss, Heather, Margaret Caspe, and M. Elena Lopez. "Family Involvement in Early Childhood Education." *Family Involvement Makes a Difference*. Harvard Family Research Project, 2006. T&I-22776 (Bengali)

সন্তানের শিক্ষণ ও বেড়ে উঠায় সহায়তার জন্য সন্তানের কর্মসূচির আহ্বানে আয়োজিত সভায় অংশগ্রহণসহ কর্মসূচির কর্মচারীদের সাথে চলমান যোগাযোগ প্রক্রিয়ায় অংশগ্রহণ করে।

আপনার সন্তানের শিক্ষণকে ক্লাসরুমের বাইরে বিস্তৃত করতে বাড়িতে অনুশীলনের জন্য যেসব হাতে-কলমে কর্মকাণ্ড ও অন্যান্য সুযোগ দেওয়া হয়, সেগুলোতে অংশ নিয়ে।

আপনার সন্তানের আচরণ বা শিক্ষাগত চাহিদায় পরিবর্তন সম্পর্কে সন্তানের শিক্ষকের সাথে কথা বলে।

আপনি যদি বিশ্বাস করেন যে আপনার সন্তানের কোন প্রতিবন্ধিতা আছে বা বেড়ে উঠায় বিলম্ব হচ্ছে যা তার শিক্ষালাভে প্রতিবন্ধক, তাহলে সাধারণ শিক্ষা কার্যক্রমে কোন উন্নয়নগত ও প্রাতিষ্ঠানিক সহায়তার উপায় আছে কি না, তা নিশ্চিত হওয়ার জন্য আপনাকে প্রথমে কথা বলতে হবে আপনার সন্তানের কর্মসূচির সাথে। যদি কৌশলগুলো প্রয়োগ করা হয় এবং আপনি ধারণা করেন যে আপনার সন্তানের স্পেশাল এডুকেশন সার্ভিসের প্রয়োজন আছে, তাহলে আপনার কর্মসূচিটি সন্তানের মূল্যায়নের জন্য এনওয়াইসিডিওই কমিটি অন স্পেশাল এডুকেশনে একটি প্রারম্ভিক সুপারিশপত্র জমা দিতে সহায়তা করতে পারে।

অভিভাবকদেরকে তাদের প্রশ্ন বা উদ্বেগ জানাতে নিম্নোল্লিখিত প্রক্রিয়া অনুসরণ করতে উৎসাহিত করা হচ্ছে:

কোন প্রশ্ন বা উদ্বেগের জন্য প্রথম পদক্ষেপ হিসেবে পিতামাতাদেরকে তাদের ছেলেমেয়েদের শিক্ষক, কর্মসূচির সহায়ক কর্মচারী, কিংবা কর্মসূচি প্রশাসকদের সাথে কথা বলতে উৎসাহিত করা হচ্ছে।

যদি কর্মসূচির কোন কর্মচারী কোন প্রশ্নের উত্তর বা সমস্যার সমাধান দিতে অপারগ হন, তাহলে অভিভাবকগণ নিউ ইয়র্ক সিটি ডিপার্টমেন্ট অব এডুকেশনের ডিভিশন অব আরলি চাইল্ডহুড এডুকেশনে (212) 374-0351 নম্বরে ফোন করতে বা EarlyChildhood@schools.nyc.gov ঠিকানায় ইমেইল করতে পারেন।